

моѡ милосѣрдїемъ твоимъ, и всѡ влїжнїа моѡ,
и братїю, и дрѹги, и сосѣди, и всѡ православно-
ныа хрїстіаны, и спасї ма молитвами всѣхъ Свят-
тыхъ, и прїими въ честь сїа ѷалмы и молитвы,
ѡже глаголахъ предъ тобою за сѡ, и не мѣрзско-
ти буди съ воздуханїемъ моленїе сїе: ѡкѡ мило-
стивъ сый и челоѡколюбецъ, и тебе безначалнаго
Оца славимъ, со єдинороднымъ твоимъ Сыномъ,
и со святымъ Дѹхомъ. нынѣ и присно, и во вѣ-
ки вѣкѡвъ, аминь.

Посѣмъ, Честнѣйшю Херѡвїмъ: Слава, и нынѣ:
Гди помилѡй, трижды. Благослови.

Ѥще Іерїй, кончатъ священчески.

Ѥще ли простый, кончатъ сїце.

Гди Іисе Хрїте сыне Бжїй, молитвъ ради пре-
чїстѡя твоеѡ матери, силою честнаго и животво-
рѡщаго креста, и святыхъ небесныхъ силъ без-
плотныхъ, и преподобныхъ и богоносныхъ Оцъ
нашихъ, и святаго пророка Давїда, и всѣхъ Свят-
тыхъ, помилѡй и спасї ма грѣшнаго, ѡкѡ благу
и челоѡколюбецъ.